

Arrest de la Cour des no. 2

Comptes, Aydes, & Finâces de Prouence,
Sur la verification des Lettres patentes
du Roy, contenant don & remise faicts
par sa Majesté à son peuple dudit Pays,
des arrerages des Tailles, Taillon, Lattes,
& Inquants, & autres droicts iusques à la
fin de l'annee 1595.



A AIX,

Par JEAN THOLOSAN, & ESTIENNE DAVID,
Imprimeurs du Roy, & ordinaires
de ladite Ville.

THE UNIVERSITY OF CHICAGO

COPIES OF THE
JOURNAL OF THE
ROYAL ANTHROPOLOGICAL INSTITUTE
FOR THE YEAR 1900
ARE HEREBY
PRESENTED TO THE
LIBRARY OF THE
UNIVERSITY OF CHICAGO
BY THE
PUBLISHERS



THE UNIVERSITY OF CHICAGO
LIBRARY
CHICAGO, ILL.
1900



*Extraict des Registres de la Cour des Comptes,
Aydes, & Finances.*

N T R E les Procureurs des gens des trois Estats, de ce pays de Prouence, demandeurs en verification, & enterinement de deux lettres patentes par eux ensemblement obtenuës, de la grace & liberalité du Roy, par lesquelles sa Majesté en l'une d'icelles, donne, quitte, & remet à tous ses sujets dudit pays, tout ce qu'ils luy peuuent deuoir, des annees passées des tailles, taillon, & autres droits que ses Receueurs, & comptables ont accoustumé receuoir, en payant le courant de l'année desdites lettres, & aux autres lettres, ledit Seigneur discharge, & tient quitte, tant le corps des Communautéz dudit pays, que les particuliers d'icelles obligez, de tous les droits de lattes, & inquants, qu'ils luy peuuent deuoir de tout le passé iusques à la fin de l'année 1595. A la charge que pour l'aduenir, l'exaction de ce qui escherra, s'en pourra faire d'une part. Et le Procureur general du Roy prenât la cause des Receueurs de sa Majesté, & les Fermiers desdits droits de lattes & inquants; deffendeurs d'autre Veulsdites lettres patentes, donnees toutes deux à Paris le 29. Nouembré, mil cinq cens quatre-vingts seize. Signees Henry, & plus bas par le Roy Comte de Prouence, Forget, seelees sur simple queuë du grand seel en cire iaune. La requeste desdits Procureurs du pays, du 14. Auril quatre-vingts dixsept, monstree au Procureur general du Roy, & aux Fermiers

desdits droits, leur responce, & empeschement par eux sur ce formé. Autre requeste du 5. May, appointee, le requiere en iugement, & signifiee. Arrest en Audience du 12. dudit mois, par lequel auroit esté ordonné que les pieces seroient mises riere la Cour pour estre fait droit aux parties, sur le registre, moyens d'opposition baillez par le Procureur general du Roy, signé I. d'Arbaud. Arrest de la Cour en vuissant ledit registre, par lequel avant faire droit sur l'enterinement requis desdites lettres patentes de remise du droit des lattes & inquants, auroit esté ordonné, que tres-humbles remonstrances seroient faites au Roy par sondit Procureur general dans deux mois, sur le preiudice & notable interest, confusion & desordre qu'apporte telle remise à l'estat de ses finances, avec emulation entre ses sujets pour l'inequalité du don, & la poursuite & obtention de pernicieuse consequence au bien de son service: pour en apres entenduë sur ce l'intention de sa Majesté, conformément à icelle proceder au surplus comme de raison, & cependant auroit surcis durant lesdits deux mois, l'exaction des arrerages dont est question, du dernier Iuin audit an quatre-vingts dix-sept. Autre Arrest du mesme iour pourtant verification des autres lettres, en ce qui est du taillon, à la charge que des deniers y appartenans, ou audit pays, & par les mains de leur Tresorier, ils feront mettre entre les mains du Receueur general dudit taillon, estant en charge, les sommes à quoy se trouveront monter les arrerages des gages deuz aux Officiers dudit taillon, respectivement desdites annees, pour leur en estre faits & distribuez les payemens à l'accoustumee. Et avant faire droit au surplus desdites lettres, en ce qui est des tailles, & autres deniers ordinaires y contenus, ou compris, auroit esté ordonné. Que tres-humbles remonstrances seroient aussi faites au Roy par sondit Procureur general dans deux mois, tant du preiudice, confusion, & de-

l'ordre que tels dons apportent à l'estat de ses finances, que du preiudice mesmes, & interest de ses sujets & Communauze dudit pays, avec inequalité entre eux, & reculement ou perte de leurs rentes assignees, & constituées sur lesdits deniers, pour en rapporter plus expresse declaration des vouloir, & intention de sa Majesté, sur ce dans ledit temps, durant lequel cependant sera surcis à l'exaction des arrerages desdits deniers en payant tousiours le courant de l'annee desdites lettres suiuant icelles. Autre Arrest du 30. Aoust dernier, sur la requeste presentee par lesdits Procureurs du pays. Par lequel attendu la misere du réps la Cour leur auoit prorogé, & continué le surfoi, iusques à la fin du mois de Septébre lors prochain. Autre requeste presentee par lesdits demâdeurs, a fin d'auoir encores continuacion dudit surfoi, appointee le requiere en iugement au premier iour apres la Saint Denys. Et iusques alors le surfoi continué, du huietième Octobre audit an. Lettres patentes ensuiuies, par lesquelles pour toute iussion. Le Roy mande & enjoinct à la Cour, qu'elle aye à procéder à la verification & enterinement des susdites lettres, du vingtneuvième Nouembre purement & simplement, selon leur forme & teneur sans plus y faire aucun reffus, restriction, modification, ny difficulté, ny auoir esgard aux causes qui l'auoient meüe d'ordonner, que remonistrances luy en seroient faictes. Lesquelles elle tient pour toutes faictes, & entendues, donnees lesdites lettres à Saint Germain en Laye, le seizième Decembre audit an quatre-vingts dixsept. Signees Henry, & plus bas par le Roy Comte de Prouence, Forger. Seellées sur simple queuë, du grand seel en cire iaune. Requeste desdits Procureurs du Pays, afin qu'il plaie à la Cour de proceder à la verification & enterinement des susdites lettres patentes du vingt-neuvième Nouembre, purement & simplement sans aucune restriction, suiuant l'intention de sa

Majesté, déclarée par lesdites lettres de iussion, & là où la Cour ne trouueroit estre raisonnable, à ce que l'egalité soit gardée entre les sujets du Roy, que sur les quartiers des cinq années à venir, soit faicte deduction de ce à quoy se peuuent monter lesdits arrerages, & encores pour le payement d'iceux, donner delay aux Communautéz, en trois quartiers à venir, accomménçant en l'année quatre-vingts dix-neuf, appointée le seizième Mars dernier, pour estre monstree au Procureur general du Roy. La responce d'iceluy, n'empeschant que la Cour établisse delay ausdits supplians, afin de rapporter prouisions conuenables de la dite Majesté, sur ce que ils desirent commuer la remise desdits arrerages, à quelque autre decharge pour l'aduenir. Et que cependant l'exaction d'iceux, soit sureize du septième dudit mois, signé Trichault. Autre requeste desdits Procureurs du Pays appointée; soient les pièces mises pardeuers M. Raynaud Fabry, Conseiller du Roy, pour à son rapport ouys les Tresoriers généraux de France, y estre pourueu comme de raison, & ouy sur ce lesdits Tresoriers généraux, & le rapport dudit Commissaire: Tout considéré.

LA COUR attendu le tres-expres & reiteré mandement du Roy, après toutes remonstrances, ayant esté cy-deuant pourueu au faict du taillon, a verifié & enteriné, verifié & enteriné lesdites deux lettres patentes, de quittance, don & remise, en ce qui reste des deniers ordinaires de la taille, ou foïage, impoit du vin, & droicts domaniaux des lattes, & inquants y contenus pour respectiuelement en iouyr par les impetrans selon leur forme & teneur, sauf aux Communautéz dudit Pays d'en poursuire l'egalifement requis entre elles, ainsi qu'il appartiendra si bon leur semble, & sauf necessairement d'estre pourueu à la deüe descharge & indemnité des Receueurs ordinaires, du domaine du Roy, & ses Fermiers desdits droicts suiuant l'inten. ion de

la Majesté. En remettant par eux pardeuers la Chambre
 precisement dans huitaine, à compter du iour de la signifi-
 cation du present Arrest, à peine de descheance leurs estats
 entiers, & au vray qu'ils affirmeront par serment, sur la peine
 du quadruple, & iustifieront dans trois iours apres, parde-
 uant le Commissaire qui à ce sera deputé, tant de la rece-
 pte ou exaction, & leuee par eux, & chacun d'eux respecti-
 uement faicte iusques icy, desdits deniers du foïage, impost
 du vin, lattes, & inquants, que des payemens, & emplois
 qu'ils, & chacun d'eux en ont faict, à leur acquitement, &
 descharge, tant en recepte generale que autres, & ce pour le
 temps des annees de leur charge, contenuës & comprises
 ausdites lettres pour ce faict, & communiqué au Procureur
 general du Roy, y estre procedé, & ordonné ce que de rai-
 son, & cependant seront lesdites lettres-patentes, tant de
 don & remise, que de jussion & requestes y jointes, aux
 fins susdites enregistrees aux registres des Archifs de la Ma-
 jesté.

*Publié à la Barre de la Cour des Comptes, Aydes, & Fi-
 nances en Prouence, seant à Aix, le vnziesme Auiul, mil cinq
 cens quatre-vingts dix-huict.*

Collationné.

Signé GARRON.

